



**CONVENIO DE COLABORACIÓN ENTRE A AXENCIA GALEGA DE INFRAESTRUTURAS E O CONCELLO DE BOBORÁS PARA A REDACCIÓN DO PROXECTO E CONSTRUCCIÓN DUNHA SENDA PEONIL NA OU-214.**

Santiago de Compostela, 8 de agosto de 2019

**REUNIDOS**

Dunha parte, Ethel M<sup>a</sup> Vázquez Mourelle, presidenta da Axencia Galega de Infraestruturas, facultada para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Ana Patricia Torres Madureira, na súa condición de alcaldesa do Concello de Boborás, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto.

**EXPOÑEN**

**Primeiro.-** A estrada OU-214 , titularidade da Xunta de Galicia, comeza na estrada N-541, na Almuzara, e remata na estación de FFCC de Boborás. Ten unha lonxitude de 900 m e unha anchura de 5,5 m na maior parte do trazado e unha IMD duns 350 vehículos/día.

O firme da OU-214 precisa dunha renovación completa na súa capa de rodadura por atoparse moi deteriorada.

As marxes contan con cuneta en terra e pequenos noiros que permitirían a construción dunha senda peonil paralela previa realización de traballos de limpeza de gabias, desbroce de maleza e construción de muretes. Nalgún treito tamén será necesaria a canalización de pluviais.

A titularidade da OU-214 na súa totalidade pasará a ser do Concello de Boborás, que velará pola conservación e mantemento da estrada e da senda peonil.





**Segundo.** A Axencia Galega de Infraestruturas ten entre os seus obxectivos a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intermunicipais na procura e no fomento dun desenvolvemento harmónico.

**Terceiro.** O Plan de Mobilidade e Ordenación Viaria Estratéxica, plan MOVE, contempla entre as súas liñas básicas a mellora das condicións de accesibilidade e da mobilidade das persoas.

**Cuarto.** A Axencia Galega de Infraestruturas, en colaboración co Concello de Boborás, trata de fomentar aqueles investimentos que resolvan problemas nas infraestruturas, coa finalidade dun desenvolvemento económico e social que aporte unha maior calidade de vida á cidadanía.

A renovación completa do pavimento da OU-214 e a construción dunha senda peonil paralela redundara na calidade de vida dos veciños, xa sexan peóns ou condutores. O pavimento do viario atópase moi deteriorado polas rodeiras deixadas polos vehículos que semellan fochancas continuas lonxitudinais. A senda garante un espazo seguro para o tránsito de peóns nun vial con presenza de vivendas nas súas marxes.

As actuacións obxecto deste convenio son complementarias á propia idea básica e intrínseca da estrutura elemental da calzada e da infraestrutura viaria.

Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

## CLÁUSULAS

### PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello de Boborás para a redacción do proxecto técnico e a posterior





execución dunha senda peonil na OU-214, de titularidade autonómica, así como a pavimentación da súa calzada.

As actuacións a realizar son as seguintes:

- Redacción do proxecto técnico para a construción dunha senda peonil na OU-214.
- Renovación completa da capa de rodadura e sinalización horizontal na OU-214. O firme presenta rodeiras continuadas por todo o seu trazado.
- Construción dunha senda peonil na estrada autonómica OU-214. Unha senda en formigón dunha anchura de 2 m, con acondicionamentos puntuais máis anchos aproveitando os treitos con beirarrúas e os acondicionamentos de formigón existentes diante das vivendas.

Os traballos :

- Traballos previos necesarios (desbroce, talado, movemento de terras e apertura de caixa)
- Pavimentación da estrada e da senda.
- Execución de pequenos muros de contención.
- Execución puntual da rede de drenaxe de augas pluviais.
- Disposición de elementos de sinalización horizontal.
- Repintado das marcas viarias afectadas.

O orzamento necesario para a súa execución das obras estímase en **DOUS CENTOS NOVE MIL EUROS (209.000,00 €)** IVE engadido.

## **SEGUNDA. REQUISITOS**

De acordo co establecido no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas, será requisito para a concesión desta subvención directa que o Concello de Boborás cumprise co deber de remisión ao Consello de Contas da súa conta xeral.

## **TERCEIRA. COMPROMISOS DO CONCELLO DE BOBORÁS**

O Concello de Boborás obrígase a:

- 1.- Redactar o proxecto técnico necesario para a execución das obras que será remitido á Axencia Galega de Infraestruturas para a súa conformidade
- 2.- Adxudicar, dirixir e executar as obras de conformidade co proxecto técnico.





3- Aceptar o cambio de titularidade da estrada OU-214 na súa totalidade.

O concello obrígase a súa conservación e mantemento e a asinar a acta de entrega do cambio de titularidade antes da licitación das obras. A tramitación do expediente de cambio de titularidade realizarase consonte co establecido no artigo 9 da Lei 8/2013, do 28 de xuño, de estradas de Galicia e no Decreto 66/2016, do 26 de maio, polo que se aproba o Regulamento xeral de estradas de Galicia.

4. Asumir as obrigas económicas que excedan do importe recollido na cláusula cuarta.

5. Xestionar todos os terreos necesarios, así como a reposición de servizos e servidumes afectados. Así mesmo, asumirá a realización das xestións pertinentes ante os organismos que corresponda para a obtención dos permisos, licencias e autorizacións regulamentarias.

6. Consonte o establecido no artigo 27.5 da Lei 9/2007, do 13 de xuño, de subvencións de Galicia, o concello asume, na súa condición de beneficiario, a total responsabilidade ante a Axencia Galega de Infraestructuras. Tamén se compromete a establecerlle ao contratista a obriga de colaboración para o exercicio das funcións de control previstas no artigo 45 da citada lei.

7. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.

8. Comunicar á Axencia Galega de Infraestructuras, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.

9. Comunicar á Axencia Galega de Infraestructuras a data de recepción das obras para os efectos de que esta envíe un representante se así o estima oportuno.

10. O concello deberá dar publicidade da obra mediante un cartel anunciador no que conste expresamente o financiamento da Xunta de Galicia (Consellería de Infraestructuras e Mobilidade – Axencia Galega de Infraestructuras) de acordo coa imaxe corporativa oficial da Xunta de Galicia.

#### **CUARTA. COMPROMISOS DA AXENCIA GALEGA DE INFRAESTRUTURAS (AXI)**





A Xunta de Galicia, a través da Axencia Galega de Infraestructuras, asume os seguintes compromisos:

1.- Financiar a redacción do proxecto e a execución das obras destinado ata un máximo de **DOUS CENTOS NOVE MIL EUROS (209.000,00 €)** con cargo á partida orzamentaria 08.A1 512B 760.0, código de proxecto 1999-06714 dos orzamentos da Axencia Galega de Infraestructuras, de acordo coa seguinte distribución de anualidades.

| ANO          | Importe obra (€)    |
|--------------|---------------------|
| 2019         | 59.000,00           |
| 2020         | 150.000,00          |
| <b>TOTAL</b> | <b>209.000,00 €</b> |

2.- Transferir ao concello de Boborás a titularidade da OU-214 na súa totalidade. A transferencia quedará formalizada na correspondente acta de entrega previa tramitación do correspondente expediente, de conformidade co establecido no artigo 9 da Lei 8/2013, do 28 de xuño, de estradas de Galicia e co Decreto 66/2016, do 26 de maio, polo que se aproba o Regulamento xeral de estradas de Galicia.

#### **QUINTA. XUSTIFICACIÓN E PAGAMENTO.**

A xustificación dos gastos e o seu pagamento realizarase nos termos establecidos na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da citada Lei, e no Decreto 193/2011, do 6 de outubro, polo que se regulan as especialidades nas subvencións ás entidades locais galegas.

Segundo o establecido no artigo 62 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, poderán realizarse pagamentos a conta, que responderán ao ritmo de execución da acción subvencionada. Estes pagamentos aboaranse por contía equivalente á xustificación presentada, ata un máximo do 80%. O Concello de Boborás xustificará a subvención mediante a presentación da seguinte documentación:



1.Certificación da intervención ou do órgano que ten atribuídas as facultades de control da toma de razón en contabilidade do gasto realizado e do cumprimento da finalidade para a que foi concedida.

2.Certificación expedida pola secretaría da entidade local, co visto e praxe do alcalde, relativa á aprobación polo órgano competente da conta xustificativa da subvención na que se faga constar, como mínimo, de forma detallada:

- O cumprimento da finalidade da subvención.
- Os gastos totais imputables á actuación subvencionada, coa identificación do acredor/a, número de factura, data de emisión e data de recoñecemento da obriga polo órgano competente.
- Os documentos acreditativos dos gastos realizados con recursos propios.
- Unha relación detallada doutros ingresos ou subvencións que financiasen a actividade subvencionada, coa indicación do importe e a súa procedencia, de ser o caso.
- Acreditación do cumprimento das obrigas tributarias, coa Seguridade Social, e de non ter pendente de pagamento débedas coa administración pública da comunidade autónoma de conformidade co establecido nos artigos 10 e 11 do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.
- Declaración responsable da obtención doutras subvencións, axudas, ingresos ou recursos que financien as actuacións subvencionadas.
- Mostra fotográfica da publicidade da subvención, segundo o establecido na cláusula terceira do convenio.

Serán subvencionables os gastos de redacción do proxecto e de execución das obras realizados durante os anos 2019 e 2020. En ningún caso serán subvencionables o custo da reposición dos servizos afectados que non estean contemplados no orzamento base de licitación do proxecto nin o da obtención de autorizacións e dos terreos privados afectados pola execución das obras.

A data límite para a xustificación destes gastos é o 30 de novembro de cada ano.

O pagamento realizarase pola parte proporcional da contía da axuda efectivamente xustificada, calculada en función da porcentaxe subvencionada sobre o custo total da actividade.





De conformidade co establecido no artigo 3.1 do Decreto 193/2011, do 6 de outubro, polo que se regulan especialidades nas subvencións as entidades locais galegas, unha vez que se efectúen os libramentos por parte da Axencia Galega de Infraestruturas a favor do Concello de Boborás, este deberá acreditar documentalmente a efectividade dos pagamentos realizados no prazo máximo de sesenta días naturais contados a partir do ingreso na conta bancaria da beneficiaria de cada un dos aboamentos da subvención concedida.

#### **SEXTA. SEGUIMIENTO E CONTROL.**

Para o seguimento, control e avaliación de cantas dúbidas poidan xurdir na aplicación do convenio poderase constituír unha comisión de seguimento, coa participación dun representante da Axencia Galega de Infraestruturas e dun representante do Concello de Boborás.

A comisión poderase reunir as veces que se estime oportunas para o cumprimento do convenio. En todo caso, a solución das incidencias que poidan xurdir estará condicionada polas limitacións orzamentarias incluídas na cláusula cuarta.

As cuestións litixiosas xurdidas da interpretación, desenvolvemento e aplicación do convenio serán resoltas pola Axencia Galega de Infraestruturas, poñendo os seus acordos fin á vía administrativa. Contra estes acordos poderase interpoñer recurso contencioso-administrativo ante o Tribunal Superior de Xustiza de Galicia, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

#### **SÉTIMA. NATUREZA DO CONVENIO.**

Este convenio ten natureza administrativa, rexéndose polas cláusulas que nel se establecen e, no seu defecto, polo regulado na Lei 9/2007, do 13 de xuño, de subvencións de Galicia, no Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións e demais normas de procedente aplicación.

#### **OITAVA. COMPATIBILIDADE.**

Esta axuda é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera Administración ou entes públicos ou privados, nacionais, da Unión Europea ou de organismos internacionais, sempre que





a contía total das axudas non supere o 100% do importe da actividade subvencionada. No caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

#### **NOVENA. REVOGACIÓN, REINTEGRO E RESOLUCIÓN.**

A axuda concedida ao amparo deste convenio poderá ser obxecto de revogación ou reintegro, xunto cos xuros de demora, cando concorran as circunstancias previstas nos artigos 32 e 33 da Lei 9/2007, do 13 de xuño, de subvencións de Galicia, nos artigos 74 e seguintes do Decreto 11/2009, do 8 de xaneiro, polo que se aproba o Regulamento da lei de subvencións de Galicia e na Lei 38/2003, do 17 novembro, xeral de subvencións.

Será causa de reintegro total o incumprimento das obrigas establecidas para o concello nas cláusulas deste convenio.

En todo caso, será causa de extinción deste convenio a inviabilidade da realización da actuación por causas non imputables ás partes. Así mesmo, será causa de extinción a denuncia por causas de interese público a instancia de calquera das partes asinantes.

#### **DÉCIMA. PUBLICIDADE.**

De conformidade co artigo 17 da Lei 1/2016, do 18 de xaneiro, de transparencia e bo goberno, a Axencia Galega de Infraestruturas publicará no Diario Oficial de Galicia e na páxina web oficial o datos relevantes do convenio asinado. A sinatura do convenio leva implícito o consentimento expreso do beneficiario a favor da Administración concedente para o tratamento necesario dos datos relevantes da axuda concedida e a súa publicación.

Así mesmo, en cumprimento do disposto no artigo 20 da Lei 38/2003, do 17 de novembro, xeral de subvencións, a información requirida será comunicada á Base de Datos Nacional de Subvencións (BDNS).

#### **UNDÉCIMA. VIXENCIA DO CONVENIO.**

Este convenio terá vixencia dende a súa sinatura ata o 31 de decembro de 2020 e financiará os gastos realizados dende o 1 de xaneiro de 2019 nas condicións establecidas na cláusula quinta.

Así o outorgan no lugar e data do encabezamento, subscribindo o presente convenio por triplicado exemplar.





**XUNTA DE GALICIA**  
CONSELLERÍA DE  
INFRAESTRUTURAS E MOBILIDADE

Edificio Administrativo de San Caetano  
15781 Santiago de Compostela  
Tfno.: 981 544 564  
Fax.: 981 544 543  
infraestructuras.cim@xunta.gal



A presidenta da Axencia Galega de  
Infraestructuras

Ethel M<sup>a</sup> Vázquez Mourelle

A alcaldesa do Concello de Boborás

Ana Patricia Torres Madureira



**Xacobeo 2021**